



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Edisaun 21 juñu 2010

Tribunal hamonu tinan 18 prizaun ba arguidu ne'ebé mak oho nia kónjuje

Iha loron 21/06/2010, Tribunal Distrital Dili hamonu akordaun ba kazu ho numeru prosesu 43/C. ord/TDD/2009 tinan 18 prizaun ba arguidu Agustino de Araujo ne'ebé mak komete krimi omisidui agravadu tamba oho nia fen rasik iha loron 28 Outubru 2009 iha Hatolia Ermera.

Direktur JSMP, Luis de Oliveira Sampaio hateten katak *"JSMP simu ho haksolok no hakarak kongratula desizaun ne'ebé mak tribunal hamonu. Tamba JSMP fiar katak kazu omisidui ne'ebé mak komete husi arguidu nu'udar hahalok krimi ho kategoria agravadu, tamba hasai vida arguidu nia konjuje rasik"*. Nia hatutan katak: *"JSMP mos konkorda atu tribunal fo sentensa ne'ebé merese no realistiku ho krimi ne'ebé arguidu komete, maske konsiente mos katak bazeia ba artigu 139 (g) Kódigu Penál Timor Leste, Tribunal la aplika pena absrata maximu ne'ebé mak regula iha artigu refere (tinan 25)"*.

Bazea ba monitorizasaun ne'ebé mak JSMP halo, katak julgamentu ba lee akordaun ne'e, derije husi Juiz Guilhermino da Silva, husi parte Ministeriu Públiku, representa husi Dra. Zelia Trindade no arguidu rasik hetan asistensia legal husi Dr. Manuel Sarmento husi Defensoria Públika.

Bazeia ba materia akordaun ne'ebé lee husi juiz haktuir katak kazu ne'e akontese, wainhira lezada no arguidu akompaña husi lezada nia alin ba iha to'os arguidu sira nian atu halo lutu. Wainhira sira to'o iha iha to'os, lezada husu ba arguidu atu ba kuru bé tamba distansia bé matan dook. Maibe tamba arguidu ne'ebe mak halo hela serbisu lakohi hatan hodi ba kuru bé, mak sira diskute malu no to'o ikus arguidu ho katana, ta'a iha lezada nia ulun, kakorok, no iha nia kotuk laran ne'ebé mak rezulta lezada mate.

Tuir monitorizasaun JSMP iha tribunal hatudu katak iha loron ne'ebé hanesan tribunal hala'o mos audensia julgamentu ba kazu ofensas ba integridade fizika simples hasoru arguida JDCR ne'ebé mak ho Nu. Prosesu: 511/C.ord.TDD/2009 no julgamentu hodi rona desijaun tribunal ba kazu violensia seksual ne'ebé mak ho Nu. Prosesu: 716/C.ord/TDD/2009.

Atu hetan informasaun kle'an favor kontaktu:

Luis de Oliveira Sampaio
Director ezekutivu JSMP
Email: luis@jsmp.minihub.org

Landline: +670 3323883